

增訂
傷寒百證歌註

增訂傷寒百證歌註目錄

卷之一

一 傷寒脈證總論歌

二

傷寒脈候死絕歌

三 舌上胎歌

以上爲傷寒診斷學綱要

四 傷寒病證總類歌

以上爲傷寒處方學綱要

卷之二

五 中風歌

六

傷寒歌

七 傷寒見風脈中風見寒脈歌

八 傷寒似瘧歌

九 熱病中喝歌

十 三種濕歌 濕溫中濕風濕

十一 五種溫歌 溫病溫瘧風
溫溫疫溫毒

十二 四證類傷寒歌 食積虛煩寒痰脚氣

十三 兩種瘧歌

十四 辨傷寒疫氣異同歌

十五 婦人傷寒歌

十六 婦人熱入血室歌

十七 小兒傷寒歌

十八 傷寒差後病歌

十九 傷寒五臟死絕歌

以上為傷寒定名學綱要

二十 表證歌

二十一 裏證歌

二十二 表裏寒熱歌

二十三 表裏虛實歌

二十四 急救表裏歌

二十五 無表裏證歌

二十六 表裏水歌

二十七 表裏兩證俱見歌

二十八 三陽三陰傳入歌

二十九 陰陽兩感歌

三十 陽證陽毒歌

三十一 陰證陰毒歌

三十二 太陽陽明合病歌

三十三 太陽少陽合病歌

三十四 三陽合病歌

三十五 太陽少陽併病歌

三十六 陰證似陽歌

三十七 陽證似陰歌

三十八 陰盛隔陽歌

三十九 陰陽易歌

以上爲傷寒病理學綱要

卷之三

四十 發熱歌

四十一 潮熱歌

四十二 往來寒熱歌

四十三 汗之而熱不退歌

四十四 下之而仍發熱歌

四十五 惡寒歌

四十六 背惡寒歌

四十七 厥歌

四十八

結胸歌

四十九

痞歌

五十

發黃歌

五十一

發狂歌

五十二

發斑歌

五十三

發喘歌

五十四

發渴歌

五十五

吐血歌

五十六

衄血歌

五十七

呃噫歌

五十八

譏語歌

五十九

煩躁歌

六十

懊懣歌

六十一

怫鬱歌

六十二

驚惕歌

六十三

心悸歌

六十四

冒悶歌

六十五

乾嘔歌

六十六

吐逆歌

六十七

霍亂歌

六十八

頭疼歌

六十九

脇痛歌

七十

腹痛歌

七十一

咽痛歌

七十二 咳嗽歌

七十四 腹滿歌

七十六 自汗歌

七十八 欲得汗歌

八十 晝夜偏劇歌

八十二 筋惕肉瞤歌

八十四 邪中二焦歌

八十六 不得眠歌

八十八 小便自利歌

九十 大便下利歌

九十二 百合歌

七十三 遺尿歌

七十五 魃厥歌

七十七 頭汗歌

七十九 下膿血歌

八十一 循衣摸空歌

八十三 口燥咽乾歌

八十五 多眠歌

八十七 小便不利歌

八十九 大便不利歌

九十一 狐蠶歌

以上爲傷寒辨症學綱要

卷之四

九十三 可汗不可汗歌

九十五 可火不可火歌

九十七 可灸不可灸歌

九十九 可吐不可吐歌

以上爲傷寒治療學綱要

九十四 可下不可下歌

九十六 可水不可水歌

九十八 可鍼不可鍼歌

一百證 傷寒可溫歌

增訂傷寒百證歌註

卷之三

四十 發熱歌

太陽發熱惡寒。慄陽明身熱汗自出。少陽發熱多乾嘔。三陽發熱證非一大抵。寒多爲易治。熱多寒少因寒抑。解熱大小柴胡湯。更看淺深爲妙術。三陰初無發熱證。唯有少陰兩證實。脈沉發熱屬麻黃裏寒外熱宜四逆。

(註)發熱而惡寒者屬太陽也。太陽病必發熱而惡寒。蓋太陽主氣以溫皮膚分肉。寒氣留於外。皮膚緻密則寒慄而發熱。宜發其汗。麻黃湯大青龍湯主之。若發熱微惡寒者。柴胡桂枝湯。桂枝二越婢一湯主之。若吐利而發熱惡寒者。霍亂也。太陽病發熱而渴不惡寒爲溫病。若發汗已。身體灼熱者爲

風溫也。身熱汗出濇濇然者。屬陽明也。陽明病。脈浮者。宜桂枝微汗之。脈實者。調胃承氣湯。緩下之。大便不秘者。白虎湯清解之。若陽明病發汗多者。宜大承氣湯急下之。蓋汗多發熱者。胃汁乾故也。仲景云。太陽證汗後不惡寒。但熱者。實也。當和其胃氣。宜調胃承氣湯。太陽病三日發汗不解。蒸蒸發熱者。屬於胃也。宜下之。脈細頭疼嘔而發熱者。屬少陽也。少陽發熱。小柴胡湯主之。不可發汗。發汗即譫語。病人不渴。外有微熱者。小柴胡加桂枝也。小柴胡加桂枝。主表熱最良。此法不特傷寒也。仲景表有熱者。小柴胡加桂枝也。裏有熱者。白虎加入參也。大抵身熱不飲水者。爲表熱也。口燥煩渴者。爲裏熱也。二藥均治發熱。然分表裏。不可不知也。發汗已身灼熱者。名風溫。素問云。汗出而身熱者。風熱也。其人素傷於風。因復傷於熱。風熱相搏。即身熱。常自汗出。此名風溫。病人無表裏證。發熱七八日。脈雖浮數。宜大柴胡湯下之。假令已下。脈數不解。今熱則消穀善饑。至六七日不大便者。有瘀血也。

抵當湯主之。（水蛭大黃蟲蟲桃仁）若傷寒差後更發熱者小柴胡湯主之。（脉浮者以汗解脈實者可下之）若陰證太陰厥陰皆不發熱只少陰發熱有二證仲景謂之反發熱也少陰病初得之發熱脈沉者麻黃細辛附子湯主之。（麻黃細辛附子）少陰病脈沉發汗則動經此大略之言耳脈應裏而發熱在表亦當以小辛之藥泄汗而溫散也仲景云傷寒之病從風寒得之表中風寒入裏則不消須用溫藥少汗而解少陰病下利清穀裏寒外熱手足厥逆脈不出者通脈四逆湯主之大抵陰證發熱終是同脈多沉或下利手足厥也若熱多寒少太陽熱多寒少有三證有熱多寒少而不嘔清便自可者有熱多寒少而脈微弱者有熱多寒少而六脈遲者其用藥皆不同也太陽病八九日如瘧狀熱多寒少不嘔清便自可宜桂枝麻黃各半湯熱多寒少而脈都微弱者無陽也不可發汗宜桂枝二越婢一湯主之若脈浮雖熱多寒少亦自可發汗也熱多寒少而尺中遲者血少也先以小建中

加黃耆以養其血。尺尚遲。再作一劑。然後晡時用小柴胡湯。桂枝二越婢一湯。輒小劑隨證治之。此節述朱翼中之學說也。

四十一 潮熱歌

潮熱爲實。當與下。仲景之言可憑藉。更看脈息浮與沉。若但弦浮應未也。惡寒脈浮。表證在。與小柴胡湯勿下。腹滿不通。小承氣。但和胃氣無多。瀉潮熱之證有三。說皆屬陽明。小柴訣一則潮熱且呃噫。二則微熱或溏泄。三則日晡發其時。發已微利。增嘔噦。太陽亦有一證存。唯是結胸發潮熱。

（註）潮熱者。大率當下。仲景云。潮熱者實也。大承氣湯證云。其熱不潮。未可與也。則知潮熱當下無疑矣。雖然。更看脈與外證。脈若弦若浮。及外證惡寒。猶有表證。且與小柴胡湯以解之。（柴胡黃芩半夏人參甘艸生薑大棗）

若腹大滿不通者。可與小承氣湯。（大黃厚朴枳實）微和其胃氣。勿令大泄也。仲景云。日晡所發潮熱。屬陽明也。脈實者。大承氣。（大黃厚朴枳實芒硝）大柴胡也。（柴胡黃芩大黃枳實半夏甘艸大棗生薑）脈虛者。桂枝也。（桂枝芍藥甘艸大棗生薑）縱使潮熱。當行大承氣。亦須先少與小承氣。若不轉矢氣。不可攻之。後發熱復硬者。大柴胡下之。若胸脇滿而嘔。日晡發潮熱者。小柴胡加芒硝主之。又有日晡發潮熱已而微利者。又有微發潮熱而大便溏者。或潮熱而欬逆者。皆當用小柴胡也。傷寒十二日不解。胸脅滿而嘔。日晡發潮熱已而微利。潮熱者實也。先與小柴胡以解外。後以柴胡加芒硝湯下之。冬陽明潮熱。當行黃芩湯。（黃芩芍藥甘艸棗子）已上潮熱並屬陽明也。惟結胸有潮熱者。屬太陽。此節述朱翼中之學說也。

四十二 往來寒熱歌

陰陽相勝。互爭。強往來。寒熱亦何常。先寒後熱。爲陰盛。先熱後寒。責在陽。此疾大約有三證。大小柴胡薑桂湯。中風胸滿。不欲食。心煩喜嘔。小柴良。熱結在裏。十餘日。却是大柴胡。克當已汗復下。胸脇滿。柴胡薑桂保安康。

（註）凡往來寒熱者。陰陽相勝也。陽不足。則先寒後熱。陰不足。則先熱後寒。往來寒熱。有三證。小柴胡湯。大柴胡湯。柴胡桂枝乾薑湯。有表證。而往來寒熱者。用小柴胡也。有裏證。而往來寒熱者。大柴胡也。已表。或已下。而往來寒熱者。皆可用柴胡桂枝乾薑湯也。（柴胡桂枝黃芩牡蠣甘艸乾薑枳樓根）仲景云。血弱氣盡。腠理開。邪氣因入。與正氣分爭。往來寒熱。休作有時。小柴胡主之。又云。傷寒五六日。中風往來寒熱。胸脇苦滿。默默不欲食。心煩喜嘔。或胸煩而不嘔。或渴。或腹中痛。或脇下痞。或心下悸。小便利。或不渴。身有微熱。或欬者。小柴胡主之。傷寒十餘日。熱結在裏。往來寒熱者。大柴胡

主之傷寒五六日。已發汗。復下之。胸脇滿。小便不利。渴而不嘔。頭汗出。往來寒熱。心煩。柴胡桂枝乾薑湯也。

柴胡桂枝乾薑湯 治傷寒五六日。已發汗。而復下之。胸脇滿。微結。小便不

利。渴而不嘔。但頭汗出。往來寒熱。心煩者。此爲未解也。此湯主之。

(藥量) 柴胡 二錢 桂枝 黃芩 各錢半 括蕪根 二錢 乾薑 牡蠣

炙草 各一錢

(服法) 右七味。水煎服。初服微灼。再服汗出而愈。

(歌曰) 寒熱往來頭汗出。心煩胸脇滿而窒。柴芩薑蠣合炙甘。花粉桂枝加減

七。

(方解) 方用柴胡桂枝黃芩轉少陽之樞。而達太陽之氣。牡蠣啓厥陰之氣。以

解胸脇之結。蕪根引水液以上升。而止煩渴。汗下後中氣虛。故用乾薑

甘艸以理中。一以散脇之微結。一以濟芩蕪之苦寒。使陰陽和而寒熱

已也。

四十三 汗之而熱不退歌

已汗復下脈加躁不食狂言謾祈禱此證謂之陰陽交死候難醫不可道得汗脈靜自然生汗後復熱命難保脈若浮數可再汗沉實之時下爲好風溫之候屬萎蕤虛煩竹葉湯爲寶更看虛實治爲宜可細斟量休草草。

（註）素問云溫病汗出輒復熱而脈躁疾不爲汗衰狂言不能食謂之陰陽交交者死也又云熱病已得汗而脈躁盛者死今不與汗相應是不勝其病也其死明矣大抵病人得汗而脈靜者生今汗之而仍發熱者若脈浮數則表證猶在汗之必愈也仲景云發汗解半日許復熱煩脈浮數者可更發汗宜桂枝湯發汗後不敢再表者爲脈沉實耳脈若浮者須再汗也發汗後不

惡寒。只發熱。脈沉實。或狂語。此爲胃實。陽盛。卽不可再汗也。須當下之。設令下後。又不解。表裏邪亦衰矣。仲景云。太陽病三日。發汗不解。蒸蒸發熱者。宜調胃承氣湯。（大黃、甘草、芒硝）和其胃氣也。太醫云。若傷寒得汗後熱不退。發昏及狂言者。便可用承氣湯下之。立愈。未差再服。若汗後熱不解。但心下痞。嘔逆。又自利。大柴胡去大黃主之。又有太陽證。合行桂枝。却用麻黃之類。發汗多亡陽。仍發熱者。眞武湯主之。（茯苓、芍藥、白朮、附子、生薑）嘔者去附子。咳者加五味子、細辛、乾薑。更有風溫一證。初得病。發熱而渴。不惡寒。汗已。身灼熱者。爲風溫。屬萎蕤湯。岐伯所謂汗出而身熱者。風熱雖發也。若傷寒得汗後。病解。虛羸。微熱不去。可行竹葉石膏湯。隨其虛實而治之。此節述朱翼中之學說也。

葳蕤湯

（藥量）

羌活

八分

麻黃

四分

葛根

六分

白芷

八分

青木香

四分

川芎 五分
炙艸 四分
石膏 六錢
歲蕤 一錢
杏仁 錢半

（方歌）

風溫浮盛萎蕤湯。羌麻葛芷青木香。芎草石膏萎蕤杏。裏實熱甚入硝黃。

（解方）

風溫初起。六脈浮盛。表實壯熱汗少者。宜萎蕤湯以發表風邪。方用羌活麻黃葛根白芷爲君。青木香川芎甘艸石膏萎蕤杏仁爲佐也。裏實熱甚汗多者。去羌麻葛芷。加芒硝大黃以攻裏熱也。

四十四 下之而仍發熱歌

病人脈微來。又澀誤汗誤下。皆爲失。既汗亡陽。斯惡寒。又下陰微還熱。極最忌。陰陽皆已虛。熱又不止。病斯亟。更有勞復并食。復失於調治。并將息新差。血氣尙虛。羸勞復生。熱無氣力。脾胃尙弱。食過多。食復發熱。還憎食。小柴枳實梔子湯。數者用之宜審的。